

F4 Evakuisardi: Sofia Taikon



E Sofia Taikon, jek poljskaki Řomni, angêrdili ando Auschwitz peska familjasa ando bêš 1943. Po milaj 1944 angêrde la avere řobonca ando Ravensbrück. 1945, pe palune marimaskê šona, teljardja le švedosko Lolo Trušul, tala pesko prezidento o grofo Folke Bernadotte, jek evakuacijako programo pala škandinavijkê řobur, kaj sas ande njamcongê KZ-ura. Parne busur, sêmnome ekhe lole trušulesa angêrenas karing 15.000 řobon ande slobodija. Le řobur sas fjal de fjal nacije. Mařkar le skêpime žene sas vi e Sofia Taikon, savi avili pala o marimos jek kata l' maj ašunde reprezentantur kata l' švedoskê Řom. E Sofia Taikon muli ando bêš 2005.

💡 Žanglen tumen

...kê pe jeg transporto kata o Lolo Trušul mêkle le avionur kataj alijansa pogrešno bombe taj le maj but řobur, kaj skêpisajle xancí anglal anda KZ, mule le bombendar? ...kê pa trajo kataj Sofia Taikon egzistiril vi jek publikacija pe komikoski sama?

✍ Tumari bući

So gîndin tumen, anda soste mêkenas le nacionalsocialistur 1945 pe primovara anda 'g data řobon anda l' KZ-ura pe slobodija? Pe pesko jeg vas sas la Sofia Taikon tetovirime o numero „Z 4515“. Arakhên, kaj, anda soste taj pala soste lja voj kako numero!

📷 Paj fotografija

E Sofia Taikon sar têrni Řomni ando Švedo. Living History Forum Collection, Stockholm/Sverige.



<https://www.romasintigenocide.eu/kalderasch/f>

1940

1981

1955-63